

U Distriktu Brčko danas će biti održana centralna manifestacija obilježavanja Međunarodnog dana nestalih u BiH, koji se širom svijeta 30. augusta obilježava s ciljem podizanja svijesti o problemu nestalih, saopštio je Institut za nestale osobe BiH. Kako se navodi, ovaj dan u BiH ove će godine biti obilježen prigodnom manifestacijom, koju organizira Savjetodavni odbor INO BiH, u saradnji sa udruženjima porodica nestalih svih nacionalnosti iz BiH i regije, a uz podršku Međunarodne komisije za nestale osobe, Međunarodnog komiteta Crvenog krsta i Vlade Distrikta Brčko. U organizaciji i realizaciji manifestacije učestvuje i Regionalna koordinacija udruženja porodica nestalih, koja okuplja udruženja iz Hrvatske, Srbije, Crne Gore, Kosova i BiH, što ovoj manifestaciji daje regionalni karakter. Manifestaciji će prisustvovati i predstavnici Distrikta Brčko, Ministarstva za ljudska prava i izbjeglice BiH i Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamenta BiH, a organizatori očekuju i veliki odziv građana i porodica nestalih iz cijele BiH.

[Preuzeto sa www.ilijas.ba](http://www.ilijas.ba)